



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA.

QUODLIBETARIIS DISPUTATIONIBUS
manè disputanda in Scholis Medicorum, die Jovis vigesimo
Februarii M. DCC. XXXVIII.

M. FRANCISCO BAILLY,
Doctore Medico, Præside.

*Num in Peste, ut Carbunculi, sic & Bubones statim ab initio,
ferro sint aggrediendi?*



I.
ESTES inter atrocissimas, quibus nonnunquam affligitur homo,
nulla sanè calamitosior, detestabilior nulla, quam ipsamet Pests.
Teterrimum hoc (a) flagelli genus, divinitus quidem (b) im-
missum, quot mortales, ætatis cujuslibet, sexus, conditionis,
loci, regionis, in instanti, & uno quasi fulminis ictu, crude-
liter percutit? DAVID *Israelitarum* Rex, post peccatum, cum
rogaretur à GAD Propheta, quo tandem supplicii genere, in delicti pœnam

(a) JEREM. C. 29. v. 17. 18.

JEREM. C. 21. v. 6.

(b) Exod. c. 9. v. 15. Levit. c. 26. v. 25.

plecti desideraret: bello & fame (cœlesti quodam instinctu) posthabitis, aut pestilentia obtulit caput, ne miseram plebis infamæ sortem declinare videretur. Votis ergo statim annuit Omnipotens, Pestemque (c) misit in Israel, ex quâ Tridui-spatio, 70000. Hominum sæviter occubere. Plagâ nec ab simili, (d) à Domino egressâ, legitur iterum in SS. (e) nunc. 14700. nunc. 24000. hominum subito periisse. Dum Belligerarent cum Peloponnesibus Athenienses (f) Pestilentia adeo lues hos invasisit, ut qui resurgerent ex eâ plures, omnium obliiti, & semetipfos penitus ignorarent, & necessarios ac familiares non amplius agnoscerent; moribundi verò cæteri, mortuis acervatim accumulati, passimque in viis strati, præ frequentia, pro exanimis haberentur.

(f) Ann. circiter 430 ante J. C. Nativit.

*Paras animam laqueo claudunt, mortisque timorem
Morte fugant, retròque vocant venientia fata.
Corpora mixta neci, nullis de more feruntur
Funeribus; neque enim capiebant funera porta.....
Qui lacryment desunt; indigestaque vagantur
Natorum, matrumque anima, juvenumque, senumque:
Nec locus in tumulos, nec sufficit arbor in ignes (g).*

(h) Ann. circiter 75 post J. C. Advent
(i) 170.
(k) 182.

(l) 253.
(m) 260.
(n) 263.
(o) 270.

(r) Ab ann. 553 ad an. 605.

(u) 741.
(x) 756.

Imperante VESPASIANO (h) Pestis ita periculosa grassata fuit Roma, ut diebus plurimis, quotidie super 10000. hominum extinguerentur. Sub MARCO-ANTONIO Philosopho (i) & COMMODO (k) Imperatoribus, bis Italiam exercitavit tam infensa perniciēs, ut singulis diebus Roma, 2000. hominum in Libisina partem venient. Annon Imperantibus GALLO & VOLUSIANO (l), VALERIANO, (m) GALLIENO (n), CLAUDIO (o), Pestis ab Æthiopiâ exorients, omnes Imperii Romani Provincias cum tantâ ferocitate pervasisit, ut uno quoque die (p) 5000. hominum neci traderentur? Regnante JUSTINIANO Imperatore, tanta Constantinopoli sæviit pestilentia diritas, ut (q) per singulos dies 5000; interdum etiam 10000. sepulturæ mandarentur. Tam importuna clades per 52 & amplius annos (r) orbem universum (s) sic peragravit, aliò nunc atque aliò, nec semel tantum, se transferens; ut, si locis ac mortalibus quibusdam ad tempus pepercisse deprehenderetur, protinus hæc (t) veluti remissens ac decepta, quam celeritè in eundem se denuò conferret locum, rata citius inde, quam oportebat, se discessisse. *Byzantii* nunquid iterum atque iterum horrida incubuit Pestis, quæ nunc, (u) 300000. hominum, pestum dederit, nunc (x) omnes ferè incolæ jugulaverit? Adeo ut, ad urbem postliminiò replendam,

- (c) REG. l. 2. c. 24. v. 16.
(d) M. UNTZERUS, de Pestifer, luc. L. I. c. 3.
(e) NUMER. c. 16. v. 46. & c. 25. v. 9.
(f) THUCYDIDES, lib. 2. Belli Peloponn.
LUCRETIUS, de rerum naturâ lib. 6. HIPPOCRATES in Epist.
(g) OVIDIUS, lib. 7. *Metamorph.*
(h) NICEPHORUS, in Hist. Eccles. lib. 3. initio capit. II.
(i) P. OROSIUS, lib. 7. c. 15.
(k) HERODIANUS, lib. 1. DION, lib. 7.
(l) ZONARAS, lib. 2.
(m) ZOSIMUS, hist. lib. 4.

- (n) BARONIUS, Annal. Eccles. tom. 2.
(o) EUSEBIUS, in Chron. Zozim. ibid.
(p) BARONIUS & ZOZIM. ibid.
(q) PROCOPIUS, de Bello Persic. lib. 2. cap. 18.
(r) EVAGRIUS, hist. Eccles. lib. 3. c. 28.
(s) NICEPHORUS, histor. Eccles. lib. 17. cap. 18.
(t) PROCOPIUS & AGATHYAS, ibid.
(u) Autor speculi Mundi THEOPHANES, in Chron.
(x) PAULUS DIACONUS, CRUVIUS, Part. 1. lib. 2.

CONSTANTINUS COPRONYMUS Imperator necessum habuerit, ex vicinis insulis & Provinciis, novos conquirere colonos, ipsisque aedes, agros, ac prædia defunctorum, gratis tradere atque concedere. Annon filiis patrem, LUDOVICUM Regem, pium ac religiosum, injustè persequentibus, ultoris Dei iussu (y) oborta est Pestilentia, quæ undecim dierum intervallo, totam ferè Gallia nobilitatem è medio fustulit? Per decennium tam pestifera defævit, in universum penè genus humanum labes, ut cum defunctis semi-vivi sæpius (z) ad sepulchrum abriperentur. Imperante FRIDERICO II. (&) simili peste 67000. hominum depasta fuerunt. Capta in Oriente formidolosa tabes (aa), per universum postea ferè mundum dispersa, quartam hominum partem vix intactam reliquit (bb); adeò ut in solà Florentinorum urbe, tunc 60000. & Lutetia 90000. hominum interierint; necnon CAROLO IV. Imperante (cc) trium annorum curriculo, Monachorum tantum FRANCISCANORUM 124434. tam effera rabie corruerint. Nonne insidiosum hoc idem veneni genus (dd) Italian, Germaniam, universamque Galliam (ee) ita exercuit, ut ex millenis quibusque hominibus, vix decem superessent? Ex Asia nunquid non disseminata Pestis (ff) per Illyriam, Dalmatiamque in Italian; per Germaniam autem in Galliam & Hispaniam, triginta annis debacchata fuit, ex quâ viventium pars tertia vix incolumis evasit? Adeò ut in unicâ Erphodiensi urbe (gg) 28000; Lutetia verò Parisiorum intra menses duos (hh) 40000. hominum miserabiliter confecerit. CÆSAREANIS à militibus occupatâ Româ (ii), sub duce CAROLO BORBONIO, ea est suborta pestilentia, quæ trimestri spatio, ultra 100000. ferociter interfecit. MAXIMILIANO II. Imperante, tam atrox in Hungariâ defævit Contagium, ut uno die (kk) 18000; Venetiis, à mense Maio ad januarium usquè proximum (ll) 60000. *Lysibona* biennio (mm) ultra 70000. è vivis excesserint; actandem quarta GALLORUM pars & amplius (nn) eodem tabo concederit. Majorem Britanniam (oo) tam gravis oppressit Pestilentia, ut in solâ Londinensium urbe, per mensem Augustum in septimanâ quandoque 20000. hominum & plures mortui fuerint. Per universam Europam (pp) serpsit ex Oriente lues adeò deleteria, ut in solâ MonsPELLiensi urbe tertiam Civium partem maceraverit. Sed quid opus tam dissita memorare tempora? Quorsum tot exitiosa refricare funera? De Pestis diritate, sævitiâ, malignitate, Contagio, necnon & interitûs pernicitate quis unquam dubitaverit? Ab authoribus medicis historicisvè, millies coctam licet atque recoctam hanc luem, quis unicâ

(y) 823;

(z) 1002.

(&) 1227.

(aa) 1348.

(bb) 1310.

(dd) Ab ann. 1369. ad 1400.

(ff) 1450 ad ann. 1480.

(gg) 1453.

(hh) 1466.

(ii) 1527.

(kk) 1563.

(ll) 1576.

(mm) 1578.

(nn) 1580.

ad 1586.

(oo) 1593.

(pp) 1623. ad ann. 1650.

(y) ACMON. lib. 5. De gestis Francor. c. 16.

(z) JOAN. WOLFUS, Cent. 2.

(&) BLONDUS, lib. 7. Decad. 2. POLYDOR.

VERGIL. lib. 7.

(aa) GUID. DE CAULIAC. Tract. 20. Doct. 28. cap. 5. MEZERAY. Annal. Franc.

(bb) MICHAEL SAXO, in vitâ. CAROL. IV. Imper. & GUID. DE CAULIAC. ibid.

(cc) ALBERT. CRANZIUS, & FUNCCIUS. in Chron.

(dd) PETARCHA, & PLATINA in vitâ CLEMENT. VI. Pontific.

(ee) MEZERAY, Annal. Franc.

(ff) FERNELIUS. De abdit. Rer. Cauf. lib. 12. cap. 14. & JUL. PALMARIUS, de feb. Pest. c. 5.

(gg) MICHAEL SAXO, in vitâ Frider. III. Imper.

(hh) RICCIUS NEAPOLIT. & MEZERAY. Ibid.

(ii) GEORGIVS à FRUNZBERG. in Histor. suâ.

(kk) SENNERTUS, de Febr. lib. 4. cap. 9. & MICHAEL SAXO, in Chron.

(ll) PETRUS FORESTUS, lib. 6. Observat. 9. in Schol.

(mm) HUGO LINSCHOTIUS, lib. 1. Navig. cap. 1.

(nn) MEZERAY, Annal. Franc.

(oo) JANSONIUS, in Mercur. Gallo. Belg.

Lib. 6.

(pp) RANCHINUS, in Histor. Pest. MonsPELL.

morbū specie declaravit? Annon solet illa describi facilius, quàm definiti? Quos reapse contra naturam affectus suo comprehendit sinu, modò tamen sint vulgares, & perniciosi? Duobus enim ab his fontibus pestilentie omnis characterem repetas. Nullis proinde aliis hæc signis investiganda. Duris, quibus plerumque stipatur, satellitibus, annumerandi potissimum *Bubones* & *Carbunculi*, qui, ut profligari queant, non *Diatra* solum & *Pharmacîa*, sed *Chirurgiâ* etiam indigent, At Pestilentium ejusmodi tumorum, cum alii statim ab initio, ferro sint appetiendi; nequaquàm verò alii; caveas uno eodemque prorsus artis opere, horum illorumvè curationem ac *Therapeiam* adoriaris?

I I.

VEHEMENS & communis Contagio, toxico, venenatâque Belluâ Nocentior, Pestiferam indicat luem. Infinita propemodum & incredibilis symptomatum varietas, quibus plerumque comitata incedit. Horrendum illud Monstrum, *Cemeleone* mutabilis, oppida, civitates regnaque ipsa & imperia, tantò depopulatur immaniùs, quanto magis ejus ignoratur natura. Pestis, *λοιμός* græcis dicta, proponitur (a) ut morbus *Epidemius*, Acutissimus, *Contagiosus*, & Perniciosus; à Veneno quidem subtili, sed *putrescente*, trahens originem; *Bubones*, *Carbunculos*, febres, lethalesque diversi generis alios inducens affectus, quibus nonnunquam plures adeò repente corripuntur homines & prosternuntur, ut, antequàm se putent ægrotare, mors præ foribus victrix adstet, triumphumque meditetur. Adumbrat hunc in modum *Loimographiâ*, quis nefandam, infamem vè non recognoscat luem, quâ non ita pridem & ultimò, exercita fuit *Massilia*. Sed cheu! Quantum luctus! Quot lacrymæ! Quid sale novo juvat aspergere vulnera, firmâ nundum satis obductâ cicatrice? Quorum, vel animus meminisse horret, vel nomen ipse refugeret sermo, nisi assertionis hujus confirmandæ necessitas eò nos alliceret invitos, atque abriperet. *Massiliam* igitur (b) invasit, quæ *Ægyptios* ad internectionem penè deleverat, Carnifex morbus, Pestis insolens. Vidisses *Massilia* civès miserrimos inter spirandum, expirare, titubare, inter ambulandum; inter loquendum, suffocari. Genuisses populum, Clerum, Nobiles, plebeios, imò summosque homines, unâ quasi falce; uno temporis puncto demeti. Flevisses sepeliendis mortuis, vivos vix sufficere. Fecerant accersiti è *Gallo-provincia*, èque *Occitania* Medici, doctrinâ certè commendatissimi; (c) quod in se quidem esset; at non omnino profecerant. Exitium superabat artis opes; nec via mortis erat simplex. Ignis enim cineri doloso suppositus, in tantum protinus erupit incendium, quantum unius provincie limitibus contineri non potuit. Corripuit itaque dicto-citiùs *Gallo-provinciam*, *Occitaniam*, *Gabaliâ*, (d) *Cannorgiam*. Tum verò metuere *Sabaudia*, pallere *Hispania*, trepidare *Italia*, contremiscere *Lugdunum*, tota credere *Gallia*, ultimum sibi diem imminere. De omni *Europa* ne actum foret, cum vererentur Regi à Sanctioribus Consiliis, & à sanitate *Archiatrum* vigilantissimi, sic suadentibus (e) Viris Illustrissimis, ac Favente vel Imperante *Christianissimo* Rege nostro, Patre suorum, LUDOVICO DECIMO QUINTO, cum altero è Collegis nostris (f) *Gabaliâ* appulimus,

(b) Mense Augusto 1720.

(d) Initio anni 1722.

(a) Matthias UNTZERUS, Doctor Medicus Hallensis. De Pestifer. Luc. lib. I. c. 2. 1615.

(c) Clarissim. D. CHYCOINNEAU, nunc Archiater, Comes, D. D. DIDIER, VERNY; & SODIER,

(e) Clarissim. D. Joan. Bapt. DONART, Saluberr. Facult. Parisens. Doct. Reg. tunc Archiater. Comes. D. D. BOUDIN & HELVETIUS.

(f) M. Ant. LE MOINE, Salub. Facult. Paris. Doct. Reg.

ut, si fieri posset, lues adeo truculenta quam citissime debellaretur, reprimeretur, exterminaretur. Ipse ergo necis Adivimus fontes: non timidi, nec audaces nimis, erecta fronte, ac sereno vultu. Cadavera inter & funera Medicinam fecimus (g). Nec sava medentibus (h) pepercit clades. Ars ipsa, haud raro salutis obstat Authoribus. Est hoc Pestiferis, non secus ac vulgari-
 bus & *Contagiosis* aliis affectibus commune, ut, licet unius, ejusdemque speciei morbos, hi vel illi, primo referant intuitu, naturam tamen, origine & adjunctis, plerumque inter se discrepent. Hinc mirabilis forsitan & immensa opinionum diversitas, quae circa Pestis curationem & historiam, in libris passim observatur. Hinc nullus mirandi locus, quod a nobis, de varia *Bubonum* & *Carbunculorum Therapia* dicturis, nihil proferetur in medium, nisi quod in *Gabalensi* Peste, vel ipsi praesertim viderimus, ratione simul & experientia comprobaverimus.

(g) Ab August. 1711 ad aprili. 1721.

(h) M. LEMOINE, & nosmetipsi, novi ad *bunculis* fuimus direxati, *Canorgiam* adhuc advenit, *Bubonibus*, & *Car-*

III.

EPIDEMICI morbi causa debet esse (a) communis. Cum autem nihil sit homini communius, nihilque Pestilentibus ab effluviis possit affici facilius, quam aer: quis ab aere, *miasmatis* ejusmodi venenatis ex parte jam inquinato, Pestilentiae cujuslibet originem primitus non deducat? Contagionis nomine, intelligenda venit ea corruptio seu infectio, quae ab hoc in illum permeans locum, similis est ei, ex qua primum emanavit. Quid porro *Contagium*; praeter *Miasmatum* insensuum genus quoddam putridum ac subtile, quod ad infecto subiecto, mediante nunquam non aere, in aliud serpitat atque diffunditur? *Contagii* enim semina, putrida quantumvis ac tenuia supponantur, nihil tamen minus ambiente semper indigent aere, quo, tanquam vehiculo ac medio, vel *inspiratu*, vel *deglutitione*, vel ipso contactu, quem *immediatum* vocant, sanum Hominis corpus, ad ea tamen excipienda prius dispositum, queant inficere. Sic, modicum fermentum, ingentem dicitur massam corrumpere.

Sic, *vva* (b) *livorem* ducit ab *uva*.

Sic, *grex* totus in *agris*.

Unius *scabie* cadit, & *porrigine* porci, &c.

Nec aliter, licet in distans & per fomitem (ut aiunt,) per merces videlicet ex *Asia* furtim in *Massiliam* introductas, primum oborta lues, quae paucis ab hinc annis Gallo-provinciani & *Gabaliam* mirabiliter exercuciavit. Procul hinc igitur, & facessant pertinaciae forsitan, ac temeritatis plenissimi, Autores, qui, Pestis *Contagium* ut *Chymeram* habentes, solo & unico cuiusvis Hominis terrori, Pestilentiam posse contrahi somniaverunt. Expediat horum aliquis, quae ratione, Pestilentia tabo corripiantur infantes, ac recens nati? Unde, fugato personarum &

(a) Saluber. *Facult. Parisiensis* Consilium de *Procerum Politicorum*, die 2. Febr., ann. 1581. Cautionibus ad praevisionem pestis, ex rogatu (b) JUVENAL. Satyr. 2.

rerum infectatum conspectu, repurgatâque per ignem *Atmospharâ*, lues, formidata licet adhuc ab omnibus, brevi tamen nonnunquam extinguatur? Qui, *TURCÆ* ab omni prorsus necis horrore alienissimi, (c) Pestilentia tamen frequenter inficiantur? Cur, in postremâ *Gabalienſium* Peste, plerique Sacerdotes *Confessarii*, quocunque licet Pavore depositi, & solius Dei Numine afflati, mutuos inter ægrotantium amplexus, quorum excipiebant peccata, simili tamen, quam ægrotantes, labe perierint? Dum vicinarum Provinciarum Incolæ, periculosam etsi hanc luem summopere metuentes, nullatenus eâ fuerunt implicati. Quâ de causâ, sexaginta inter & novem *Chirurgos* (impavidos licet ac lubentes) ab aulâ *Christianissimâ* in *Gabaliâ* immisos, ut ægris opitulerentur: unus tantum modò à peste intactus (d) & incolumis emerſit? Dum è sodalibus ejus, dirâ lue pariter infectis omnibus aliis, quinquaginta supra quatuor miserabili fato ceciderunt. Quis porrò sapiens & æquus rerum æstimator, soli hominum terro-ri, Pestis propagationem adscribat? A loco enim in locum, à merce in mer- cem, ab homine in hominem si lues diffunditur; si corpora nostra perspirabilia sunt ab intus ad extrâ, & vice versâ, ut experientiâ constat; si

Quò propior quisque est, servitque fidelius agro,
In partem lethi citius venit..... (e).

Quis Pesti, verum ac putridum inesse *Contagium*, non affirmaverit? Quis con- tagionem seu infectionem non reformidet? Quis utriusque malignitatem & pe- riculum non detestabitur? Hinc vetus illud evixit carmen; tribus adverbis, verbisque totidem constatum:

Max. longè, tardè, Cede, Recede, Redi.

Abſcondita & inextricabilis *Contagii* hujus indoles, tot mutabilia, vel in soli- dis, vel in fluidis corporis partibus, creat *Symptomata*, ut ex ipsis (totidem veluti Pestilentie, morborumque aliorum signis & effectibus) à Medico insti- tuenda *Prognosis*, plerumque debeat esse anceps, incerta & obscura. Horum verò *Symptomatum* quamvis, pro diversâ aëris & ægri (f) dispositione, una eademque non semper sit facies; causa tamen proxima, partim à *Villorum* corporis *Era- zhisimo*, partim ab humorum *inspissatione* venit depromenda. Quid enim indicant aliud horrores, tremores, nervorum *subsultus*, æstus immodici, febres variæ? Quid lassitudines spontaneæ, subita virium omnium prostratio absque causâ manifestâ; dolores capitis, vigilie intensæ, *Delirium* ingens, somnus profundus? Quid ciborum inappetentia, sitis ingens, linguae ac faucium ariditas; respiratio difficilis & frequens, graveolens & fætidus anhelitus, *Cardialgia*, *singultus*, *Vomitus* enormes? Quid *Hæmorrhagiæ* diversæ; alvi fluxus, *Dyarrhæa*, *Dysenteria*, intestinorum *Morſus* intolerabiles? Quid pulsus, sæpe validus, & lentus; in- terdum debilis, et creber, æqualis modò, modò inæqualis, vel etiam intermit-

(c) Joann. Jacobus SCHUCHZERUS, in not. de peste Provincial. Sect. 2. n. 9.

(d) TRAPIER. Cognominatus.

(e) OVIDIUS, lib. 7. *Metamorph.*

(f) Hujus enim semper meminisse oportet toto hoc sermone, quod nulla morbi causa, sine patientis corporis dispositione quidquam efficere possit. Alioquin omnes, qui in Sole versantur

æstivo, in febrem inciderent, & qui plûs æquo moventur, aut vinum bibunt, aut irascuntur, aut mærent: Nec scûs omnes ægrotarent circa caniculæ ortum, æque omnes in pestilentia perirent; sed ut est dictum, maxima pars ge- nerationis morborum, est præparatio, seu dispo- sitio Corporis, quod passurum est. GALIENUS de differet. Febr. liv. 1. cap. 6.

tens? Quid urinae, nunc tenues & crudae, nunc turbatae, aliquando lividae ac foetidae, nonnunquam etiam (sicut & pulsus) urinae sanorum similes? Quid multiplex tandem ac milleformis cutis *Exanthematum*, *Bubonum* & *Carbunculorum* eruptio? Tot expugnandis hostibus, si medicamentorum internorum sua laus est & utilitas: an eorum quae foris admoventur, minor erit usus & honor? Quam implicitas aegritudines secum invehit pestis; tam dispares curandi leges haec efflagitat. Sic *Bubonibus* & *Carbunculis*, ab eadem licet communis causâ fluentibus, diversa tamen omnino convenit *Chirurgia*; ita ut, hi statim ab initio; minime vero illi, ferro aperiendi veniant.

I V.

CONTAGIONIS, ubi jam in suspicionem venit, certior character nullus, quam *Bubonum* aut *Carbunculorum* eruptio. Diræ huius, hæc plerumque comes perpetua, febris aliquando assidet; alias exilit solitaria: febremque nunc antecedit, nunc subsequitur. Est etiam quando peste correpti pereant, in quibus, vel ante, vel post mortem, nullum *Apostematis* aut ulceris vestigium apparuit. Tumor quilibet *Phlegmonodeus*, grassante vel incipiente Pestilentia, in flexuris articulorum, adnatumvè quarundam *Lymphaticarum* seu *Conglobatarum* locis emergens, *Bubonis* Pestilentis (a) nomine insignitur. Sub mento, pone aures, in axillis & in inguinibus præsertim exoritur. *Bubonum* alii rotundi, oblongi alii, quidam in mucronem *safsigiati*, nonnulli majores minoresvè evadunt. Pestilens *Carbunculus*, quem Græci *αἰσπράξ*, prunam, ignemvè *Persicum*, *Arabum* interpretes dicunt, non, uti *Bubo*, peculiarem sibi vindicat sedem; at indiscriminatim per quamlibet superficiem corporis partem, *Muscularem* præcipuè aut *Membranaceam*, proflit. Adeo ut, si cordis aut *ventriculi* regionem, collum, faciemvè deturpet, opus periculosaè plenum sit alex. Quid enim *Carbunculus*, præter malignum tumorem, in exteriori corporis parte, *musculari* potissimum aut *Membranacea*, statim ab ejus initio non multo foras extuberantem, cum ulcere ut primùm *gangrenoso* conjunctum, & cui vehemens *inflammatio*, calor intensissimus, implacabilisque dolor nunquam non adnectuntur? *Bubonis* indicio est, acerbus tumor, mobilis interdum in principio, dein fixus, modò proximæ cuti concolor, aut citrinus, modò lividus aut nigricans. *Carbunculi* verò notas, ex ipso patenter affectu desumptas, ostendit pruritus adeo insignis, ut volens, nolens æger unguibus partem afflictam scabere teneatur; in extremâ tum cute, dolor immittis; paulopost quandocquè *Phyllela* simplex, aut *Pustula*, vel etiam plures exillissimæ, cum ardore acerrimo lociatae, nunc pallidae aut rubrae, nunc citrinae, virentes aut vericiformes. His disruptis, velut à candente ferro, *Crustosum* ulcus obducitur, punctis quibusdam atris distinctum & *Sphacelosum*, alias nigrum aut luteum, alias lividum, cinereum, aut subnigrum. Nec rarò etiam citrà *Pustulam*, *Pustulas*vè se se dat in conspectum *Carbunculus*. Hæc Pestilentium tumorum utraque species, quamvis à *Crispaturâ* fibrarum, liquorumvè corporis *in-spissatione*, cum summâ putredine conjunctis, & *Contagii* effectibus, ducat originem: æqualem semper ut non portendit perniciem; sic diversam omnino curationem ac *Therapeiam* postulat. *Anthracem* igitur, utpote qui periculosior & peioris prælagii sit, quàm *Bubo*, ab aggreffione primâ, scapello (quem alii

(a) Hic enim non agitur de bubone, vel benigno, vel venereo; neque de furunculo, quem anthracem benignum aliqui vocant, neque de carbunculo maligno, qui citrà pestem adorat.

lanceolam vocant) statim aperias: dum *resolventibus*, *attenuantibus*, *discutientibus* medicamentis, unâ permixtis, & externè (b) adhibitis, bubonis medellam omnem committere non gravaberis. Est *Carbunculus*, HANNIBAL ante portas, hostis strages edere gestiens, derepentè mortifer adeò, ut sanationi tempus nullum identidem relinquat. Ubi quodam indicio, quantumvis levi, se se proferet virus, suoptè imperu in corporis superficiem divertens, & cutis glandulas *inflammatione gangranosa* jam afficiens, prociùs magis ac magis illiciendum foras; idque non virtute medicamentorum, sed majore aliâ quâcunque vi, vulneribus scilicet profundioribus, incisionis ope cuti, ad musculos usque, cum opus est, infligdis. Citò itaque disrumpendus (c) tumor, citò rescindendus; tardè firmendus aut *consolidandus*. Hujus enim materia, cum immediatè (d) ad *Sphacelum*, nunquam verò ad *suppurationem* (e) tendat: quantâ perniciè vicinas partes inficiet, nisi ad exitum disponatur, oculisque exterminetur? Quoties ex denarii magnitudine, quâ se se primùm obtulit oculis tumor, extemplo, id est paucissimas inter horas, nummum argenteum suâ superavit amplitudine, longius dein, serpendo, latiusque spatium emensus? Quoties delixis jam altè radicibus, partis affectæ calorem & vitam extinxit? Quot immò agrotantes è medio sustulit? Ergo periculum in morâ. Proximum ab exortu *Carbunculi* ardet incendium. Hoc ut citò tutòque restinguatur, annon tumorem, *syderatione* mox percutiendum, scalpello statim incidere (quod *scarificare* aiunt) commodum (f) erit atque utilissimum? Altioribus, crebrisque incisuris punctum (g) circumcidenda, tum *inflammationis* sedes, tum ipsum *Crustulosum* ulcus, & quidem in parte adhuc vivâ, corruptæ viciniori; adeò ut, simul cum crassiore atoque sanguine, putrida omnis ac virulenta materies per vultuscula, si fieri possit, apertâ viâ diffluat. Mox *scarificatus* ipsi, lixivio quodam conveniente, sapis perfundendi, ne parti altius inhaerescens adhuc sanguis *Ichoreus* concreascit in grumos, vel, si jam concretus fuerit, evacuetur difficiliùs. Hæc postea quàm assecutus fueris, parti primùm admoveas ea remedia quæ resistant putredini, trepidantivè naturæ vitalem influxum revocent; ac tandem circumcirca, & in confiniis, in quibus superest *Phlogosis*, *discutientia*, emolliendi leviter, ac digerendi facultate prædita, in usum adhibeantur. Hæc eadem an usurpanda venit methodus in *Bubonis*

(b) Nunc enim disserere, nec vacat, nec expedit, de remediis internis, aut præceptis dieteticis, quæ ad variam bubonum, carbunculorum, aliorumvè pestis symptomatum therapæiam pertinent.

(c) ANTHRAX seu carbunculus citò disrumpendus, ac tardè consolidandus, inquit UNTZERUS lib. 3. de Pest. curat. cap. 12.

(d) JOAN. JUNKERUS in conspect. Chirurg. Tab. 8. de Carbunc. & Anthrac.

(e) Carbunculi verò matèria nunquam suppuratur, sed fervore exusta, corruptæ carnis lobum tandem excutit, quo excurrente uleus cavum fœdumque manet, hocque uno maxime à cæteris distinguitur tuberculis, FRÆNELIUS Path. lib. 7. cap. 2.

(f) Oriuntur etiam ex quibusdam popularibus causis carbunculi. Curatè igitur ipsos oportet, nisi valde parvi fuerint, per venæ sectionem,

sanguinis evacuatione ad animi deliquium usque factâ. Scarificare enim post venæ sectionem non incommodum est, profundioribus vultusculis impactis, ob humoris crassitudinem. Ad locum autem affectum discutientibus utitur, PAUL. ÆGINETA de re Medic. lib. 4. cap. 22.

Eadem Oribasius de Morb. curat. lib. 3. c. 27. Carbunculum, ubi primùm eruperit, statim curare oportet, sanguine ad animi deliquium evacuato. Post venam scissam, non inconveniens est locum scarificare, vultusculis profundioribus impactis, ob materię crassitiem. ÆTIUS Tetrab. 4. ferm. 2.

In carbunculo, Gangrena curatur, cute circumcirca, multis altisque adactis plagis, scalpello dissectâ. Sanguis satis copiosus est educendus, ACTURIUS de methodo Med. lib. 6.

(g) JOANN. ANTON. SARAC. de Pest. curat.

curatione?

& ignobiles propellit. Hinc *Bubones*, *Carbunculi* & *Ecthymata*: minimè dubia *Cacoheria*, vel *Contagionis* argumenta. *Carbunculi*, ex adulto solùm ac retortido Sanguine; *Bubones* autem, è Sanguine quidem, sed minùs fervido, & ex lymphâ spissiori, ab extremis ad cor redeunte, proximè producuntur. Horum tumorum, confertim & statim à morbi principio, factâ eruptione: Saluber (c) etsi evadit morbus, qui priùs erat lethalis; summa tamen omnium cautio est, atque una provisio, ut eos protinùs, arte summoveas. Quemadmodùm affectui solitario ac simplici, simplex; sic vario ac Multiformi, varia debetur curatio. Quisquis igitur naturæ minister modò, atque adiutor est, nec verbo tantùm, sed re ac facto Medicus, is *Buboni* & *Carbunculo*, statim ab eorum exortu, *Chirurgi* manus, multifariam & diversimodè admovendas curabit. *Bubones*, discutienti jam laudato; ferro, *Carbunculos* haud cunctanter aggredietur. Cum enim, *Bubonum Carbunculorumque* sedes & conditio sit omnino dissimilis; quis *praxeos* Medicæ studiosus & amans, hos illosvè multimodis tractandos esse non dijudicaverit? Cum, ineunte vel etiam consistente Pestilentia, materia morbum tumoresvè faciens, sit genere toto contrà naturam, quis non videat, frustra materiæ hujus concoctionem expectari, quæ futura numquam est? Cum tandem, hæc in utrâque tumorum specie, firmior adhuc robustiorque natura, venenatæ perniciæ expulsionem, per determinatum iter affectet atque molitur; quis, naturâ sic monstrante viam, per eandem quoque partem, ab obsessâ sede, putridam materiem subitò revellere dubitaret? Hinc, ubi sui dat indicia *Carbunculus*, vel novacula (d), vel scalpello, *Punctum*, *Cassimve*, statim vulneranda corrupta cutis: nunc levissimis incisionibus, nunc sectione mediocri, nunc plagis altioribus; prout exigere videbitur partis affectæ substantia, situs, figura, sensus, robur, & usus. Nec ratione dispari, cum primùm in *adenum* locis dolor percipitur, multoque magis si jam eminere *Bubo* incaperit, partim ei ipsi, quâ se se obtulerit, commissuræ, adhibitis illicò *Raresfacientibus* Medicamentis, emollietur tumor, partim etiam *attenuantibus* & *diaphoreticis*, cum præcedentibus unâ permixtis, foràs evocabitur humor atque discutietur. Numquid, ferro sic vulneratâ *Carbunculi* sede, adulta simul, crassa & *Ichorsæ* ejus materies, citò tutòque foràs non evacuabitur? Annon *raresfacientibus*, incipienti *Buboni* extûs admotis, & bellè cutis relaxabitur, & prosperè mitigabitur ac lenietur tumor? Nonne *diaphoreticis attenuantibusque*, cum aliis ex arte simul admixtis, divisus iterum atque comminutus humor, per cutis poros, in halitus insensiles commodè dissipabitur? Quidni tunc deleteretur Bubo? Quidni perfectè planèque sanaretur? At experientiæ cedat ratiocinium. Dubium & controversiam respuunt facta. Nullus ignorat, dum apud *Gabalos* postrema grassaretur lues, majori tunc ægotantium parti, *Bubones* & *Carbunculos* in corporis superficiem erupisse. Quid tum? Quotquot, statim à morbi principio, nostræ commissi sunt curæ, horum penè nulli, quibus aut ferrum, aut emplastrum magneticum ex arte protinùs applicatum fuit, (e) è peste non evaserunt incolumes. Perperam igitur reclamatione naturæ motuum imperiti, qui, ut *Bubonibus Carbunculisque* pestilentibus auxilientur, ad repellentia (f) *Epispastica*, Ma-

(c) GALENUS lib. de constit. art. Med. & method. lib. 1. cap. 12.

(d) ABRAHAM FRAMBEZARIUS in Med. method. lib. 7. de Tumor. curat.

(e) Administratis tamen, dum opus fuit, medicamentis aliis, vel externis, vel internis, ad

profigandam lucem, consultò accommodatis.

(f) In vehemènti quidem inflammatione, eaq̃ue maximè, quæ maligna & Pestilens est, non per initia, Repellentibus repercutientibusvè nitendum: ne, humorum malignitatis venenatæ ratione non habita, Pestilens perniciës ad vis-

lactica (g) *Peptica* aliaque pus moventia, precario recurrunt? De abstinendo penitus ab eiusmodi medicamentis, fuit nobis antiquissimum. Enim verò quid opis & auxilii ferre, quidve aliud efficere possunt similis farinæ remedia, quam ab instituto suo, non sine magno vitæ discrimine, naturam fundiculis avocare, atque abstrahere? Ab his non solum ut inutilibus, verum etiam ut execrandis, abhorret legitima *Bubonum Carbunculorumque* curandarum ratio. Nonne ipsorum abusus sæpissimè, vel in interiora refluit pestifer humor, vel inducitur aut acuitur febris, vel exardescit dolor, tumor exasperatur, labefactantur vires, partisque ipsius *gangrena* in horas ingravescit? An minùs improbanda methodus eorum, qui vel amplificato tumore *glandulas* ipsas à cute diducunt, & hamo prehenfas, scalpelli acie ad vivum resecat & extrahunt, vel candente ferro, *causticisve* aliis, *glandulas* easdem Pestilenti *Bubone* infectas adoriuntur? Candente ferro cutem aduti aperitique, nec novum, (h) nec insolens. At præterquam quod molliores natura, ulationem tolerare vix possunt, hæc à legitimâ medendi ratione, prorsus ableganda venit: ex quâ damni plùs adhuc intùs, quàm extùs doloris, acerrimi licet, ægrotantes nunquam non percipiunt. *Glandula* autem, vel *inguinales*, vel *axillares*, vel *parotides*, cum vasis majoribus subsistantur & aliquatenùs adhæreant, possunt ne absque summo cruciatu & vitæ periculo, *Chirurgicis* instrumentis prorsus evelli? An non timendi locus, ne vasis majoribus ad vivum ita Resectatis, mors quàm citissimè subsequatur? Eximiâ igitur, quâ, in Medicamentorum administratione, Medicus præstat prudentiâ, an medicritè in eâ debet excellere, ubi corpori admovendum erit ferrum: in quo, ut virtus maxima, sic periculum majus.

cera, princepsque partes alias interò regetatur; quâ ex re soler evenire ut sapius vita cum morte commutetur. Galen. lib. 14. Meth. cap. 10.

J. Ant. SARACENUS de Pest. curat.

(g) Ego plurimorum præcepta dicere verè non possum, si qui insciî imperitique, pro salutaribus mortifera, aut alioquin noxia conscribunt: quo ex numero illi mihi omnes esse videntur, quo-

rum alii vehemeniora *Epispastica*, alii *Malactica*, *Peptica*, aliaque pus moventia præscribunt. Illa etenim, dolores & febres cum irritant & exacuunt, vires impendiò labefactant; his verò carbunculus graviùs exasperatur, partisque ipsius putredo magis magisque ingravescit. J. A. SARACEN.

(h) Idem, ibidem.

Non ergo in Peste, ut Carbunculi, sic & Bubones statim ab initio, ferro sunt aggrediendi.

DOMINI DOCTORES DISPUTATURI

M. Ludovicus Joannes le Thiculier, Regis Constitiarius & in Majori Consilio Medicus Ordinarius.

M. Andreas - Josephus Seron.

M. Claudius Vergne, Scholarum Professor designatus.

M. Nicolaus le Roy de Saint Aignan.

M. Thomas - Renatus Gagnier.

M. Jacobus Benignus Winslow, Regis Scientiarum Academiae, Societatisque Regiæ Berolinensis Socius, Teutonice lingue Regis Interpres.

M. David Vasse.

M. Philippus Davier de Breuille, Dotaria Hispaniarum Regis Medicus perpetuò Ordinarius.

M. Antonius Pepin, Regis Constitiarius & in portu Brestensi Medicus Primarius.

Proponebat Parisiis, JOANNES - JACOBUS BELLETESTE, Parisinus, Baccalaureus Medicus, A. R. S. H. 1738. à sextâ ad meridiem.